

DE ORIGINE  
ANIMALIUM,  
ET MIGRATIONE  
POPULORUM,

Scriptum ABRAHAMI MILII.

*Ubi inquiritur, quomodo quaque via Homines ceteraque Animalia Terrestria provenerint; & post Deluvium in omnes Orbis terrarum partes & regiones: Asiam, Europam, Africam, utramque Americam, & Terram Australem, sive Magellanicam, pervenerint.*



GENEVAE:

---

Apud PETRUM COLUMESIUM.

M. DC. LXVII.



*Quomodo, quâque viâ homines & cætera Animalia terrestria provenerint; & pervenerint in omnes orbis terrarum partes ac regiones, Asiam, Europam, Africam, utramq; Americam & Terram Australem, sive Magellanicam.*



Generositas ea excellens est humanæ mentis, quod non sistit aut velut alligata detinetur, ut bruta animantia, ad unum aliquem locum in quo pedes figunt, nihil dum excedentem; sed instar ætherii spiritus aut cælestis Angeli vento citius dispatiat, per Cælum, Terram, Mare, creata omnia & increata: ut abdita eruat, difficilia penetret, & ignota scrutetur atque capiat, inque semet velut thesaurum recondat. Non tamen hominum omnium menti generositas hæc, & cuncta perquirendi, quæ in sinu naturæ latent aviditas æque inest: sed aliqui per socordiam, alii per luxuriam, alii per gulæ ventrisque obsequium hæc præstantissima prærogativa, supra reliqua

animalia sibi concessa, semetipsos defraudant, & in brutorum capacitatis angustias se penè contrudunt.

Inter alia, quorum inquisitionis mentes illæ erectiores & pellucidiores sunt cupidæ, est illa præclara indagatio, *Quomodo, quaque ratione tam homines, quam animalia cætera, præsertim terrestria, Orbis terrarum singulas partes inhabitatum pervenerint.* Agitur hæc quæstio curiosius inter eruditos: non tantum cum aliis, sed & ab unoquoque quasi secum apud animum suum. Atque in eo inquirendo pro ingenio suo divino mentes peregrinantur per cælum, maria, extimasque terras.

Non potuit verò mens mea quiescere, quin de verisimilitudine hujus quid esset, disquireret. In quo fateor non ubique infisto vestigiis aliorum, qui de eo aliquid in lucem protulerunt; neque ad eandem cum ipsis sententiam subsisto; sed hic illic ab iis abscedo, quò me filum aut norma rationum ducit.

De ortu & origine hominum, quibusque in sedibus, quaque ratione ab initio collocati sint, indeque in alias regiones progressi, minor est dubitatio; sed magna de brutis animalibus, terrestribus præsertim quadrupedibus.

De hominibus dispiciamus ad initium, Et quidem, cum eorum habitaculum, & velut ingens prædium divesque quædam villa

villa sit universus mundus, & quicquid in eo est, opulentum quoddam peculium suppellexque; volupe fuerit de ejus prima origine & ædificatione aliquid enarrare. Mens humana vagata extra divinos Mosis & reliquos sacræ Scripturæ libros, sequuta naturæ suæ fallax & corruptum lumen, tanquam meteorum quoddam ignis fatui, mirum est & ridiculum quantum de hoc ortu & generatione rerum creatarum nugetur fabuleturque; nec tantum gregarii quidam Philosophastri, sed & ipsi inter Philosophos principes antesignanisque, qui habiti sunt omnis humanæ sapientiæ quasi medulla.

Aristoteles Stigirites, Scholæ Peripateticæ columna culmenque, cujus alioquin in rebus plurimis fuit admirabilis sagacitas, autumavit Mundum esse ingenitum, nec unquam finiendum aut interiturum; hominumque genus ab æterno extitisse, neque ortus principium habuisse: Ejus hallucinatione à vero in hac re abducti fuere integri Philosophantium greges.

Alii judicarunt sanius, & ad veritatem *Dieder. Si-* sacrarum literarum appropinquarunt pro- *cul. histor.* pius. Nam senserunt à primordio cælum *lib. I. cap. I.* & terram unicam habuisse idæam, eorum naturâ permixtâ, rudem atque indigestam molem, quam vocarunt Chaos. Deinde distinctis invicem corporibus mundum nactum hunc ordinem & formam, quos

videmus. Idque hac ratione ; Aërem quidem motum hunc continuum sortitum, separatum à crassa & humida terræ aquæque materiâ , unâ cum Sole & reliquis Astris. Humidum vero siccumque , quod in illa prima massa erat , eodem loco stetisse, propter gravitatem : ex humido mare extitisse , ex duriori terram lutosam & instar limi primò mollem effectam : Deinde ardore Solis densiorem evasisse siccamque . Cui Diodoro Siculo videtur testimonium afferre, quod , quum Nili cessat inundatio, limum ab aqua relictum calefaciente Sole in terram durescat. Quod etiam nobis Batavis non est insolitum : quibus multoties talis terræ productio contingit.

*Gen. 1.*

Habet hæc sententia multum, quod consentaneum est narrationi Mosis. Uti illud, quod initio rerum terrâ fuit res informis, nullam adhuc terræ idæam habens ; inanis vacuaque ab omni ornatu & forma. Deinde tempore hanc formam cepisse, quam conspiciamus. Aliqui etiam Philosophorum rudem illam massam informemque senserunt non tantum in tempore formam accepisse, sed etiam ex nihilo creatam. Hæc quidem rectè & divinæ veritati similia. Ille verò error crassus aliorum , quid chaos illud dixerunt æternum ; quum Moses dicat esse ex nihilo à Deo creatum. Qua quidem in re est illud ingens & immane discrimen inter Deum & alios mortales fabros ; quod  
hi

hi nihil forment nisi ex præexistente materia, Deus autem mundo non modo formam dedit, sed & materiam fecit. Hallucinatio autem ea est priorum & à sacra scriptura Mosisque dictamine prorsus aliena, initio cælum fuisse permixtum terræ; quum Moses testetur fuisse cælum seorsim & prius creatum; non autem terræ permixtum.

Illud etiam rectè à Philosophis cogitatum, quod aquæ à terrâ sint disjunctæ, & aquæ mare sint, arida vero terra facta. Sed illud minus rectè, & Mosi dissonans, quod humiditas aquarum quasi terræ permixta fuerit, & quasi vaporazione Solis ardore extracta in mare confluerit: quum Moses testetur terram aquis quasi involutam ac circumdatam fuisse; aquas autem à Deo fuisse à terra separatas & in mare congregatas.

Hæc de ortu & prima genesi Mundi. Eamus jam visum, quid sit de origine hominis, mundi totius Domini & Patris Familias. Hic secus evenit ac cum aliis dominis & eorum ædibus: nam illi plerumque priores sunt, quam ædes, quas sibi parant. Quamquam Deus, tanquam providus humani generis parens, voluit prius huic suæ proli dilectæ prospicere de pulchrâ & bene instructa habitatione, quàm eam conderet, ut quam optime ipsi posset esse simul ac esset.

Qui Mundum æternum fenserunt, hominem quoque æternum fenserunt: in eo quidem sacræ Scripturæ convenienter, quod simul ac mundus extitit etiam homines orti sint: sed de æternitate nugantur & ab ea longe delirant. Rectius alii physicæ sapientes, qui ut Mundum, sic hominem generationis initium tempore esse sortitum: in eo Scripturæ veritatem assequuti; sed de ratione generationis multum dissident. Siquidem plerique omnes sapientes, ethnici, præsertim antiqui Ægyptii, arbitrati sunt, hominem & reliqua animantia eandem habere originem à terrâ, humore ac Sole: idque hoc modo, quem Diodorus Siculus paulò fusiùs describit.

*Lib. I. li.  
Hor. cap. I.*

*Quod nimirum terra concreti sint multi humores: in quibus contacta sunt putredines quadam tenui pelliculâ, qua virtute Solis, ad summum producta, adveniente veluti partus tempore, exutis confractisque pelliculis educunt omnis generis animantium formas. Imaginari hic licet, ita scilicet Tauros, & Oves, Tigres, Leones, Elephantes exclusos ex his pelliculis, uti alaude, passeris, columbæ, anates & omne gallinaceum genus prodeunt ex ovis, per rupto pertusoque rostris suis putamine.*

*Hanc animalium gignendorum rationem omnium primam confirmari omnino dixerunt eo; quod juxta Thebaidem, Nili cessante inundatione, limo ab aqua relicto, & Solis calore*



calore calefacto, ex terra hiatu multitudo murium oriatur, & quidem valde magnorum: quorum (ut Siculus narrat lib. 1. cap. 2.) homines viderint cum stupore anteriorem partem usque ad pectus & priores pedes moveri animatam; posteriori adhuc informi & nondum inchoatâ. Quod eodem non prorsus divaricat à vero. Omne enim genus insectarum indies adhuc producitur ex humore putrefacto, aut putrefactis animalibus; ut muscæ, culices, cimices, formicæ & alia ejusmodi animalcula, quæ Scaliger pater solebat vocare *peccata naturæ*. Notum est illud è Judicum libro cap. 14. de apibus & melle procreatis ex cadavere interfecti à Samfone Leonis. Ranas perfectas refert Julius idem se vidisse ortas unò die naturali ex aquis limpidissimis deductis ex hiatu rupium, nullis pridie ovis apparentibus: Exercit. c c c x x i i i. Murres item nasci ex quisquiliis in navi asserit: & in aëre non ex ovo, sed ex genitali aquâ cælesti condensatâ calore ranas natas. Narrat itidem mihi acumen illud singulare Italix, in quodam oppido Santonicæ præturæ, tantum ranarum pluuisse, ut cumulatim totæ viæ tegerentur. Quin illud addam, quod compertum est plurimis, posse confici industria humana aliqua genera piscium junctis naturalibus causis, quas conjungere oportet. De anguillis conficiendis modum teneo, uti mihi est relatus, nec

celabo qualiscunque fit. Mense Majo, cum largiter rorabit, seca aut discinde ligone ex campo graminoso, ante ortum Solis, duos æquales cespites, eosque impositos alterum alteri ubi graminosi sunt, repone in ipso margine alicujus piscinæ, à parte aquilinari, ubi Sol radios suos maximè emit: videbis inde perpullulare quasi examen pullorum anguillarum ante horas paucas elapsas. Sic quidam cum non poenitendo fructu piscinis suis anguillarum numerosam copiam ingenerant. Sic animalia ratione carentia orta ab initio multi veterum Philosophorum existimavere.

Differentiæ animalium causam hanc attribuant, juxta Diodori narrationem; quod ea, quæ majorem sunt fortica calorem, in superiorem regionem volatilia effecta abierunt. Quæ verò plus terræ continebant, serpentina aliaque terrestria animalia evaserunt. Naturam aquosam nata, in sui generis elementum delata sunt, & appellati pisces. Terram deinceps tum Solis ardore, tum ventis indies magis arefactam à gignendis majoribus animalibus (non quidem muscis, vermibus & aliis insectis, quæ nempe etiamnum cottidiè à Sole è putredinibus generantur) defuisse: sed quæ semel generata erant, mutua commixtione alios animantes procreasse.

Jam verò eundem ortum ac generationem deputarunt illi homines terrestres, & fa-

fapientes pſychici etiam nobis hominibus : ut ſcilicet ex latente humore terræ pellicula obducta vi caloris velut in putamine concluſi ſotiſque ſimus in primo noſtro parente , eoſque prorepto prodierimus : indeque à primis parentibus quotquot ſecuti ſumus homines commixtione genitorum noſtrorum facti ſimus , quod ſumus. Neque mirum igitur , ſi non ſane pro fabula habeatur ; quod Leda complexu magni illius Divum ac hominum Regis Jovis in Cygnum transformati duo ova pepere-rit , atque ex eorum altero Pollucem & Helenam , ex altero Caſtorem & Cly-  
neſtram , tanquam ex Cygni ovis exclu-ſos eſſe.

De plantis & arboribus herbisſque non ita quis à verò aberraverit fortè , ſi dicat omnes , etiam maximas cedros & robora , internâ vi matricis terræ à primordio excreviſſe , nullâ adhibitâ externâ aut ſemi-natione , aut plantatione facultate hâc initio rerum telluri traditâ. Namque id quo-tidiana natura multarum plantarum her-barumque novarum aſſeverat , quæ hîc illic per orbem terrarum potentia cæleſtis genii , quæ natura eſt , prorumpunt : ca-lore Solis , tanquam cauſa activâ , eas ge-nitali ſua facultate eliciente & fermente.

In hac opinione de ortu & generatione brutarum plantarumque hoc rectè ac à ſa-cra Scriptura non abhorrens , quod de ter-

ra materiam sui ortus habeant, uti & pisces de aqua. De piscibus ex aqua productis asserit Moses Gen. 1. v. 20, 21. quum ait, *Deum jussisse initio, producant aqua reptilia animantia, atque ita aquas produxisse maximos cetos & omnia animalia repentina scilicet in aquis*, id est natantia. Nam de iis reptilibus quæ in terra repunt asserit Moses v. 24. *quod è terra sint producta*. De reliquis terrestribus animantibus incedentibus pedibus versu eodem 24 & 25. asserit, *quod de terra genus suum ducant*. De volatilibus verisimillimum videtur ex Mose, *quod tam ex aqua, quàm terra originem suam habeant*: id doctiores Judæi sentiunt: idque ideo, quod capit. Gen. versu 20. dicatur, *Producant aqua reptile & volatile, quod volet supra terram*: versu vero 22. cap. 1. & cap. 2. v. 19. Moses jungat volatile cæli bestiis agri, dicatque *Deum formavisse tam aves è terra quàm istas*. Unde plerique doctiores Judæos sequuti volucris ortum attribuunt de terra simul & aqua: alii verò ex solâ terra, ob verba versus 22. cap. 1. & 19. cap. 2. alii autem de solâ aquâ, ob versum 20. & 21. cap. 1.

Quid ni autem res ista juxta ipsissima Mosis verba ita se habere possit; ut dicatur quoddam genus avium esse ortum ex aqua & terra junctim; ut cygnos, anseres, anates, querquedulas, mergos & omnes il-  
las

las quæ tam in terra incedunt, quam in aquis natant? Aves autem illas, quæ ab aquis abhorrent easque fugiunt, originem suam habere è sola terra? atque respectu utriusque generis, Moſen his ſolam terram pro origine tribuere, illis aquam & terram? Certè videntur habere aquatiles illæ aves plus aquei, quam in ſola terra ſedem ſuam habentes: carnes tum illarum humidiores & ponderoſiores ſunt; harum verò ſicciores & leviores. Terra porro per ſe ſicca eſt, ſed aqua aliqua mixta humida & gravior.

Haſtenus quidem de eo antiquis Philoſophis cum Moſe convenit, quod terra & aquæ genialisque cæli Solis præfertim calor, ipſaque limofitas & putredo terræ inhærens ſint origo piſcibus, animalibus terreſtribus & avibus. Sed in eo à Moſe diſſident quod cæcâ quadam opinione exiſtimarint quod elementa illa ſenſum nullum habentia, à ſuâ naturâ hanc habeant ſcetiſificandi vim atque energiam; cum Moſes innuat, eam ipſis inditam à Deo ejuſque potente & omnia efficiente verbo; quo dixit aquæ terræque creatæ; *Producant hæc animalia terreſtria & aves, illa piſces & aves aquatiles.* Adeo ut & terra & aquæ ſint cauſa materialis ſubſtantię omnibus animantibus, Sol, Aſtra cælique calor cauſa activa & velut inſtrumenta, ſed Deus cauſa primaria efficiens. Eam

ob rem Moses diserté addit, Gen. 1. 25. & cap. 2. 19. *Quod Deus fecit & formavit è terra bestias terra.* Hæc vero de brutorum origine & generatione ita verè se habent; quod ex limo terræ & à calore Solis ad hunc modum ortum suum ducant.

Quid verò antiqui illi & cani mundi sapientes, Philosophi, Gymnosophistæ, Bracmani, Druides de origine & geniturâ hominis, non modo omnium reliquorum animantium, terræque cunctæ & maris prolis Regis, sed & ipsius terræ, æris, oceani, cæli astrorumque Domini? Eandem nempe illi assignant, è terrâ, aquâ, putredine, per cæli astrorumque calorem, concretionem coagulationemque. Id opinionis illis attribuit doctus ille Sículus, polyhistor & humanæ sapientiæ pereruditus: scilicet ut mures in Thebaide Ægypti, sic homines primos è limo Nili prorepssisse primò capite, brachiis, pectore & umbilico tenus posteriori parte adhuc informi nec inchoata: quæ postea prodierit.

*Diodor. histor. lib. 1. cap. 1. 2.)*

*Gen. 1.*

En quæ phantasia & illusio humani cerebri, somnio ægri non absimilis! Hoc quidem in eo verum, & Mosis revelationi conveniens; terram ejusque glebam fuisse originem materiæ primi hominis, ex qua potenti a divina eum formavit, quod ad corpus, carnem & ossa: quæ tum notitia

titia videtur illis sapientibus è longinquo à Mosis philosophia alluxisse, velut coruscatio quædam fulguris: Sed ut reliqua hominis generatio fuerit, ut pecudum, ovis bovisque: Illius, inquam, qui habet animam divinam, immortalem, numini proximam, affaniæ, amentia! Corpus homini à terra; quod potuisset Deus quoque creare ex nihilo, sicut ipsam terram: sed placuit id ei, ut sic doceret hominem, ne ob cælestem animam nimis se superbè attolleret, memor, quod è dimidio sit pulvis & cænum. Sed animus ejus, potissima ejus pars, quomodo sic originem suam habeat de terra & luto? Ille scintilla est aut flammula spiritus æterni, singulari prærogativa ipsi, præ omnibus aliis sub cælo creatis, à Deo inspirata, spiritibus ætheriis Angelisque agnata; non mixta & confusa corpori, sed eam inhabitans, uti Rex habitat in sua regia. Est illud immotum & inconcussum axioma Philosophorum, *Simile produci à suo simili*, nec posse provenire à re aliqua sui dissimile: qui ergo à terra & luto animus, inter quem & illa tanta est dissimilitudo, quanta est inter Solem & lutum?

Hominis igitur animæ rationalis & mentis, quibus præcipuè est homo, differtque à reliquis omnibus animantium speciebus, purè putè origo est à Deo; nihil à terra aut limo & aqua: calor & flam-

flamma, quâ mens ei accensa, spiritus Dei. Proinde est atrox illa & bruta aliquorum ethnicorum Philosophorum audacia, ut & quorundam, quibus doctrina Christiana non est ignota, pronunciare planè, eandem esse originem & progenationem ex sola terrestri materia & putredine, totius hominis, quæ est brutorum. Cujus inconditæ & prophanæ opinionis Julius Scaliger infimulat Hieronymum Cardanum.

*Exercit.  
contra Car-  
danum  
323.*

Quum verò constitutum jam sit, de origine & ortu animantium hominisque; videamus jam porro, ubi terrarum initio tam hic, quam illa sint orti & collocati; tum quomodo utrique ex primis suis sedibus, per universam terram transierint, ejusque varias regiones repleverint insederintque.

Ubi gentium terrarumque primus ortus fuerit hominum, non minus pleræque gentes fervidè contenderunt; quàm

*A. Gellius  
lib. 3. cap.  
18.*

Ἐπὶ ἑαυδαίνουσι πόλεις Ἀῖγ' ῥίζαν  
Ὀμήρου,  
Κύμην, Σμύρναν, Χίον, Κολοφών, Πύλον,  
Ἄργον, Ἀθήνας.

*Item septem urbes miscent de Patria Ho-  
meri;*

*Cumè, Smyrna, Chius, Colophôn, Pylus,  
Argos, Athenæ.*

utque



Utque hæ ipsæ Athenæ sibi hanc lauream de Homeri patria natalique loco voluerunt vendicare, sic sibi quoque arrogârunt primatum de origine hominum: ab aliis se provenisse noluerunt agnoscere: sese dixerunt Aborigines & Autochtones, ex limo scilicet Peloponesi exrepentes, ut fungos betasque. Ei documento voluerunt Athenienses esse cicadam, quam effigiatam ex auro aut viliori materia gerebant in pileis, non sine ostentatione: ut nempe indicio esset, non minus se terrigenas, quam illud insectum ex cæno, absque patre aut matre ortum est: atque ita à se vicinos aliquot populos existisse.

Nullatenus, nullatenus! obstrepunt hic Mosch-Apithresci Ægyptii: Non ita nobis sinemus eripi hanc laudem, quam nobis asserimus deberi, non minus, quàm palmam sibi poscit, qui vincit pancratia certamine Olympico: Nos Aborigines sumus, nos veri Autochtones è terra nostra, non aliter quàm ex matre geniti. Atque ex eo perspicuum posse esse, ajunt, primos homines ab ipso orbis ortu Ægyptum protulisse, quod mures ibi sponte è terra sint prognati; nulla enim orbis parte accidisse eo modo animalia ulla creari. Deinde dicunt, & felicitate atque ubertate soli atq; optimo aëris temperamento, quæ genuit, suapte natura, facillimè nutrire: namque præbere eam ad promptum cibum arundinum radices, loton & fabam

Diodor. Si-  
cul. lib. 1.  
cap. 2.

fabam Ægyptiam, multaque alia ad vi-  
ctum hominum comparata. Sic aliæ quæ-  
dam gentes penes se volunt inque suis re-  
gionibus primordia generis humani exti-  
tisse: sed nugæ hæ sunt & Apinæ.

Gen. 2. 10.

Unus Moses ipsissimam hujus rei verita-  
tem prodit nobisque inculcat. Is non Pello-  
ponesum Europæ, non Ægyptum Africæ,  
sed Asiam hoc honore donat; quod in ea  
homo ex terra matrice ortus obstetricanti-  
bus divinâ omni potentiâ & sapientiâ. Ille  
nos docet, primos homines, ac totius ge-  
neris humani parentes fuisse Adamum &  
Evam: eorum sedem & patriam in Hede-  
ne. Ubi autem ac quâ terrarum parte He-  
den fuerit, quæque regio, de eo multi viri  
doctissimi diversimode sentiunt. Nullus

Notis in  
Genes. cap.  
2. v. 10.  
edit. ejus  
postrema.

autem accuratius & verisimilius, meo qui-  
meo quidem judicio, eum designat, quam  
Polyhistor ille Franciscus Iunius: Ille He-  
denem dicit esse regionem eam, quæ est  
in Mesopotamia, circa *Babyloniam Auranti-*  
*tidem*, aut ipsam *Babyloniam*; sitam, juxta  
Ptolemæi assignationem, prope *Apameam*,  
inter *Euphratem* & *Tigrim*, subter *Seleuci-*  
*am* intra latitudinis gradum 33. & 35. lon-  
gitudinis verò 79. & 81. Idque ita probat  
luculenter tum aliis rationibus, tum præ-  
sertim dictissimâ commentatione de qua-  
tuor fluviis, quos Moses testatur transisse  
regionem *Hedenis*; nempe *Pischonem*, *Gi-*  
*schonem*, *Chidekelem* & *Euphratem*; ut  
nulli

nulli alii regioni illa assignatio probabilius possit convenire, quàm terræ Babylonæ.

Si verò Ægyptii se inde jactare volunt quod omnium populorum sint primi, quod tellurem habeant præ aliis nationibus uberem fertilitatem, cum primis, alendis hominibus, quos produxerat, aptam: id nulli populo convenientius quadrat, quàm qui orti sunt in regione *Hedenis* & circum circa. Nomen *Hedenis* id approbat: significat id delicias, amœnitatem; quæ precipue ex felicitate soli & cæli. Viridarium id indicat beati illius Paradisi, cujus hortulanus ipse Deus; quo Solis oculus nihil ullibi terrarum pulchrius aspexit aut opimius. In eodem tractu, & climate, quasi sub uno cælo, inque eadem provincia, respectu totius mundi, est terra sancta *Canaan*; quæ fluxit lacte ac melle: ubi botri tam grandes, ut pondere suo duos bajulos delassarent; Ad eorum vincum generosissimumque liquorem nihil tota Ægyptus ostentare posset simile. Cujus omnibus aliis terris præcellentem ubertatem scriptis suis decantârunt & admirati sunt etiam ipsi profani historici. De quâ Curtius asserit, quod *resudans toto ferè solo humor, qui ex Euphrate & Tigri, per aquarum venas manans solo Babylonico felicitatem affert maximam; non minus, quam Nili humiditas Ægypto.* De quo Plinius testatur, quod *segetes bis in anno secantur, tertio depascantur; ubi soli est maxi-*

*Hist. naturalis lib. 18. cap. 17.*

*ma exilitas, ibi messes reddere cum quinquagesimo fœnore; ubi latius, etiam cum centesimo quinquagesimo. Adeo ut provida philanthropia divina, in nullam meliorem sedem primum hominem, ipsique, ob illibatam adhuc integritatem dilectum collocare, quam in Hedenis confinia, potuerit.*

Idem ferè ex eo colligi potest, quod à condito primo homine usque ad diluvium nulla deductio hominum ultra viciniora Babylonix loca: nullæ res gestæ reperiuntur alicubi contigisse, quam circum circiter eadem: Peregrinatio Cæini, vel fuga ejus atque exilium, quod notatur Genes. 4. 16. fuit in terra Nodi; quæ regio fuit, secundum meliores Geographos, in desertâ Arabiâ: ibidem circum circa fabricata est arca. Nec ullæ sunt historiæ, quæ ulteriores commigrationes extra Asiam, & quidem aliquas ejus partes, *Mesopotamia, Hedenique* non satis vicinas, commemorent. Nam nihil ulterius longinquiusve factum actitatumve annotat Moyses: Is, verò multis parasangis omnes alios historicos antecedit. Nec enim mirum est, usque ad tempora Diluvii copiosorem hominum multiplicationem non fuisse, quàm quibus magna pars Asiæ habitari colique potuit: quum ejus primordium cæperit ab unico Adamo & Eva. Moses certè, si qua alia longinquior diductio

etio hominum fuisset, non magis eam reticuisset ante diluvium factam, quam postea: quando diligenter & accuratissime omnes populorum dispersiones, quæ per Asiam, Europam, Africam à Diluvio contigerunt, enarrat.

Quæ autem causa fuerit, cur potius Deus in Babylonia Hedeneque voluerit primos homines creare & collocare, quam in alia aliqua vel Asiæ, vel reliqui orbis parte, quis tantus Apollo, ut hoc melius dicat,

*Quàm quibus in terris celi non amplius  
ulnas*

*Tres pateat spatium?*

Quod si verò alibi, non ibi hoc fuisset factum, itidem rogare posses, cur potius alibi, quam in Babyloniæ tractu. Aliqua tamen causa ejus ante est notata.

Si vero altius ea est rimanda, num fortè aliquis valde erret à scopo, si dicat, ideo voluisse in illo mundi loco, aut prope eum, ortum generis humani fieri, ubi destina-  
verat æterna sua præscientia ponere suum *Sanctuarium*, in quo rectè ab homine coleretur; quod factum fuit *Hierosolymis* in regione *Palestina*, prope propter sub eodem cæli climate? Ac cur non se potuit *Heden* extendere in tantum spatium, quantum est inter *Babylonem* & *Judaam*, quum  
multi

multi sub eo comprehendant ingens illud spacium, per quod quatuor Hedenis fluvii longè latèque se diffundunt? Tum etiam, quia circa eundem ferè locum nasci Deus voluit & exoriri generis humani Redemptorèm, & vitæ æternæ salutem homini reparare: ut sic inibi, ubi lethiferum vulnus à tartareo serpente acceperat, contrito draconis capite, medicinam animæ reciperet? Consilia & mysteria Dei nã sunt profunda? ecquis certò dicat hoc procul abire à vero? Sanè pietati Christianæ non adversatur.

Ostenso jam, quod *Hedenis* pars illa, in qua ortus primus est homo, primaque ejus domus fuerit tractus *Babilonia*: pergamus porro animadversum, quomodo inde progressu temporis in reliquis terræ partes sit facta progressio & commigratio hominum. Reverà quotquot postea provinciæ, regna regionesque fuerunt inhabitatæ, fuerunt totidem *Hedenis* coloniæ. *Ægyptii* sibi hanc quoque dignitatem summa aut impudentia, aut inscitia volunt ab *Hedenitis* furari. *Athenienses*, quin & alios multos populos per Africam, Asiam atque Europam volunt à se profeminatos plantatosque, & quidem ante aliquot millia annorum, (ut ex *Herodoto* & *Diodoro* est videre) quum neque Atheniensium solum cælumque, neque ullarum nationum aliarum, neque ipsi, neque ipse omnino  
exi-

existeret mundus. Quorsum igitur impudens crassumque mendacium?

Missis igitur his Ægyptiacis tricis, sequamur vestigia divini nostri Mosis: Ex eo ante diluvium, extra Asiam ullam hominum propagationem fuisse factam, uti antea attigimus, non potest colligi. Hic igitur eam nos quoque sistamus. Præstat enim filendo cum Mose de ea re nihil statuere aut pronunciare, quàm aliquid non verum asserere, absque Mose. Præsertim quum illud inquirere nobis sit propositum, quomodo hominum diffusio facta sit, non ante, sed post diluvium.

Diluvium aliquod fuisse horrendum, quo totum non solum genus humanum, sed & animalium terrestrium volucrumque fuit deletum, exceptis admodum paucis ex unoquoque genere, in confesso est apud omnes gentes, Christianas, Judæas, ethnicas, barbaras; celebratumque ab omnium nationum historicis. Quamquam, præter Mosen & eum sequutos Judæos, Christianosque scriptores, omnes ethnici in eo non parum sunt hallucinati, & à Mose vero oraculo recedunt. Id quod lucis à Mosis historia acceperunt (nam non plus de eo toto visu proprio, vidissent, quam talpæ aut vespertiones, nisi ex Mosis historia accepissent) involucris suis tenebrosis obscurârunt.

De causa finali hujus diluvii mirum est quantopere profani Scriptores concinant Mosi: nempe quod Deus eo vellet perdere impios illos Gigantes, omnesque alios sceleratè viventes atque adeo adversus eum rebellantes, ut immani erecta altissimaque mole, Deum ipsum proposuerint oppugnare in cælo atque inde eum quasi deturbare. Causam vero efficientem aliqui audent hujus cataclysmi pronunciare fuisse aspectus & concursus Astrorum omnium concitantium tantam vim aquarum operatione suâ & vi physicâ: idque eò, quod hic concursus tum fuerit in signo Capricorni; qualis si contingeret in Cancro, signo solstitiali & æstivo, futurum esse ut æstu mundus conflagraret: ac si denuo in Capricorno, similem expectandum cataclysmum: [Perotus pag. 538. 56.] At quam id futile sit, ex eo clarum est, quod anno 1528. similis concursus ac synasterismus stellarum fuerit, qualis tempore diluvii, nec tamen similis inundatio extiterit. Certè unus Deus author effectorque hujus diluvii. Cujus ira, ob scelera mundi, inflammata, restinguere potentiâ suâ ea voluit tam horribili aquarum concumulatione.

Prima *Paganorum* à Mose aberratio est de nomine eorum, qui superstites à diluvio fuerunt, & per quos restauratio generis humani in reparato mundo est facta; uti & de numero. Moses dicit servatos fuisse  
in



in arca homines octo, viros quatuor, Noachum patrem cum tribus filiis, Shemo, Chamo, Japheto, singulosque cum singulis uxoribus, quas Moyses non nominat. *Pagani* duos tantum, *Deucalionem* regem *Thessaliae*, filium *Promethei*, cum uxore *Pyrrhâ* *Epimethei* patrui ipsius filiâ. Sunt quidem alii, qui putant diluvium, quod tempore *Deucalionis* fuit, non fuisse idem quod tempore *Noachi*: illud enim fuisse tantum super *Thessaliâ* & vicinis aliquot regionibus, aliud verò fuisse longè majus super toto orbe. Plerique tamen scriptores ethnici senserunt *Deucalionem* esse universalem illum cataclysmum, qui fuit tempore *Noachi*.

In eo quoque convenit *Paganis* cum *Mose* quòd *Deucalion* cum *Pyrrhâ* uxore sit servatus navigio, ut *Noachus* cum uxore sua, tribus filiis nuribusque in navali domicilio magnæ illius arcæ. Sed in eo à *Mose* discrepant, quod illi arcam, finitâ inundatione, dicant consedisse in culmine *Parnassi*, qui mons est *Thessalia*; hic verò in monte *Ararato*, qui est mons majoris *Armenia*, ubi jungitur mari *Caspio*, imminetque *Assyria* & *Mesopotamia* (unde *Noachus* arcam erat ingressus) non procul à monte *Tauro*: quem montem *Curtius* vocat, à *Chaldæis* mutuata voce, *Cordaum*; *Ptolemæus* atque alii *Gordiaum*.

Locus insuper proprius, ubi restauratio

B

hu-

humani generis facta fuit, non fuit *Parnassus* aut *Theffalia*, uti *Pagani* commentantur, sed haud dubie *Heuënis* provincia *Babylonica* & planicies *Senear*. Etsi enim Noachus cum suis in monte *Gordiao* arca exierit; quis dubitet, quin terra arefacta, rursus ad sedem patriam redierit? ut sic renasceretur humanum genus ubi initio productum fuit?

Deinde in modo reparandi humani generis *Pagani* bis per omnes dissonant à *Mose* chordas. *Moses* id factum naturali propagatione marrat, per usitatam viri fœminæque conjunctionem. At illi quid? Larvas nobis depingunt, & risum movent ipsis etiam pueris. *Deucalionem* ajunt contristatum de interitu humanæ prosapiæ, quum videret se cum sola uxore relictum, atque, ob senectutem gravem, utrumque progenerationi impotentem, consuluisse oraculum *Themidis*, ut consuleret, quo pacto regenerari homines possent: Illam ænigma reddidisse; ut scilicet ipse uxorque *Pyrrha* trans humeros ossa matris ad tergum jacerent, inde mox homines proveni-turos. Ejus verò ænigmatis enodandi *Oedipum* ipsum fuisse *Deucalionem*: qui matrem hanc terram est interpretatus, ossa verò ejus lapides: persuasisse autem uxori, ut oraculi consultum sequerentur: moxque collectis lapidibus eos retro se jactasse, atque è vestigio quos *Deucalion* jecerat

rat lapides, viros factos, quos *Pyrrha*, fœ-  
minas. O vanas hominum mentes! Hem!  
quæ ludibria! Mente concipiatur, annon  
horrore contremuerint à nova sua ipsamet  
sobole ipse *Deucalion* & *Pyrrha*, velut à  
spectro subito cemparente, atque ipsi li-  
beri annon terrore concussi sint, tanquam  
ab hoste, visis primo nunquam ante visis  
parentibus suis? Sed agè, omittamus has fa-  
bulas. Ac postquam satis nunc constat ubi,  
à quibus, quoque modo genus humanum  
à Diluvio renatum atque auctum sit, vide-  
amus insuper, quæ familiæ populique à  
Noacho & filiis ejus oriundi sint, & in quas  
Regiones progressi eas occuparint.

A Noacho ullos alios liberos esse genitos  
aut superstites mansisse in *Arca*. præter  
tres, *Shemum*, *Chamum* & *Japhetum* ex  
Sacris literis non apparet: aut ab eo ullas  
alias gentes provenisse, quam per tres illos  
filios. Ubi hoc memorabile notandum est, Gen. 10.  
quod, etsi Noachus à diluvio nullos alios  
filios aut homines è corpore suo proprio  
produxerit, tamen verus parens sit per fi-  
lios humani totius generis in secundo re-  
staurato mundo, non minus, quam Ada-  
mus prioris in primo mundo. Quæ au-  
tem posteritates & Nationes ex iis oriundæ  
sint, quoque transmigrarint dilerte ac no-  
minatim Moses assignat: præter illas vero  
à nullo exortæ sunt aliæ. De tota autem  
illa populorum nationumque genealogia,  
B 2 nullus,

nullus, ad meum quidem sensum, studio-  
sius, perscrutatus & magis apposite ad ex-  
plicationem capitis totius Geneseos decimi  
meditatus est, quam Phœnix illa Bituri-  
gum Fr. Funius. Post quem aliquid com-  
mentari super hac re desino, quia non pos-  
sem quicquam afferre in medium melius  
aut certius. Illud totum huc transcribere  
esset actum agere; & alienæ messis plena  
plaustra in horreum proprium inferre.  
Qui igitur de eo enucleatius cupiunt do-  
cere, Junium adeant.

GEN. XI:

In synopsi tamen proponam, qui præci-  
pue populi ex quoque trium illorum fili-  
orum Noachi per Asiam, Europam &  
Africam propagati sint, idque ad filum ca-  
pitis illius decimi Geneseos. Locus itaque,  
in quo seminarium omnium per totum  
mundum gentium comparatum fuit ex-  
crevitque, est planities *Shimear*, quæ est re-  
gio *Babylonia*, pars *Hedenis* in *Mesopotamia*.  
Ibi urbs prioris *Babylonis*, est condita, cum  
immani illa turri, cujus fastigium volebant  
perverſi illi ædificatores erigere usque in  
cælum. Inde facta est per totam terram à  
progenie filiorum Noachi dispersio ac fræ-  
tificatio omnium Nationum. Cujus rei  
occafio fuit, quod homines illi, qui tum  
circa illam regionem *Simnear* progeniti  
erant à filiis Noachi, usque ad id tempus,  
ferè omnes degenerantes à pietate primo-  
rum progenitorum, evaserant impiissimi  
ac

ac feroces contemptores Dei. Qui ut impunius possent scelerate agere & libidini malè agendi tanto audacius obsequi; nec ob id, ut priores illi profani, qui in primo mundo diluvio deleti erant, eadem pœna afficerentur ac perirent, turrim altissimam illam ædificabant, & ei adjunctam maximam munitissimamque urbem *Babylonis*, quo sic essent tuti ab omni malorum pœnarumque inundatione, & ipsius, ut existimabant Dei cœlique telis. Quem furorem atque audaciam vere Gigantæam ac barbaram quo Deus reprimeret, confusione eos percussit linguarum, non jam diluvio, ita ut alteri alteros nequeunt intelligere, coacti fuerint à cepto cessare, & quam possent quique longissime à se invicem, tanquam ab hostibus suis cum familiis in diversas regiones profugere. Hinc igitur facta est illa populorum disseminatio, & idiomatum linguarumque diversitas. Ita omnipotens ille Mundi Dominus ex malo potuit elicere bonum. Ostenditque non se alligatum uni modo scelera puniendi; sed ad id millenis se instructum armis.

Notandum hîc in transcurso, quod in eo aberrarint scriptores ethnici à S. Scriptura, quod non satis memores, quod ex eâ didicerant, quòd tradant audaciam illam, qua mole ingenti cohiecta ex altissimis *Pelîo*, *Ossa*, *Olympo* montibus; Jovem cœlumque oppugnare parabant, occa-

sionem fuisse *Deucalionis Diluvii*, cum fuerit causa divisionis linguarum. Sic nunquam non, quum à divina traditione & monumentis disceditur, error committitur. Quanquam hoc homines Pagani lucenaturæ animadverterint; duris nodis duos esse adhibendos cuneos, enormibus & insolitis sceleribus deberi gravissimas insolitasque pœnas.

Intueamur jam ex Mose progressum atque egressum è *Regione Shinnear* populorum, quique ex posteritate Noachi eorum Principes fuerint aut Duces & κεφαλαιότητες. Japhetum Moses initio capitie 10. ponit de tribus fratribus postremum, licet fuerit primogenitus, quia volebat ab ipso ordiri populorum genealogiam, ut ita contextus historiæ commodius connecteretur. De hac nationum propagatione hoc initio observandum; quod Japheti posterii occupaverint septentrionaliorem *Asia Europaque* partem: Schemi vero progenies meridionaliorem Asiæ: & Chami nepotes aliquam quidem Asiæ meridionalis partem & totam penè Africam incoluerint. Ita ut Deus miræ suæ providentia Shemitidis collocaverit medios inter Japheti & Chami posteros: eisque tribuerit temperatorem, meliorem, suaviorem & commodiorem Mundi plagam, Forte quia Schem ejusque nepotes fuerint seminarium veræ Ecclesiæ charissimorumque Dei filiorum: quibus

quibus ideo in illis locis, quæ *Hedeni* ejusque delizioso horto fuerunt propinqua, mansionem attribuit, ut ipsis esset tessera ac symbolum, fore ipsos ejus olim paradisi cælestis incolas, cujus ille terrestris & inferior erat typus.

In singulari nomenclatura nationum explicanda sequar Fr. Junium; quia ille mihi certior atque oculatior videtur omnibus aliis: & si alicubi forsitan discedit extra amussim (quod quidem oculus meus non potest percipere) propius tamen mihi ab ea recedere videtur, quam reliqui.

Iaphetus igitur statuitur à Mose, ex filio Gomero, profeminator *Cimmeriorum* aut *Cimbrorum Asiaticorum*; unde & *Albani* & *Phryges*, circa *Bosphorum*, *Phrygiam*, *Galatiam*, quæ interiora sunt *Asie*: ab iisdem *Cimmeriis* aut *Cimbris* *Cimbri Europæi* transmigratione profecti. Ex Magogo oriundi sunt *Scyta*, *Carmani*, *Sarmata*. Ex Madaimo *Medi*, voce planè indicante originem. Ex Iavane *Ionas*, arguente id nomine, & aliqui alii *Graci* haut dubie prope *Ioniam* incolentes. Ex Thubale *Iberi Asiatici*: qui seminium *Iberorum in Hispania*. Ex Mescheco *Cappadoces* *Mosinique* antiqui. Ex Thira *Thraces* prope *Pontum* & *Propontidem*. Rursus ex Aschenazo Gomeri filio populi *Ponti* regionis & *Bitbynia* processerunt, ut de his lacus fluviusque *Ascanius* apud *Bitbynenses* existens

manifesto innuit. Ab his populis postea commigratione facta cum *Gimmeriis* ortos *Germanos* existimat Carion in *Chronicis*: cui testimonio volunt esse *Ascaniam familiam* etiamnum hodie illo antiquo nomine gloriantem: etsi nullum *Germania* nominis vestigium à Mose sit expressum. A Riphato altero Gomeri filio prognati sunt *Arimphai Paphlagonesque* apud montes *Riphaos*. A Thogarma tertio Gomeri filio, incolæ *Armenia minoris*; quorum *Reges Tygranes* sunt appellati voce quidem corrupta, attamen umbram adhuc aliquam retinente. Ab Elischa Javanis filio *Ælisæ* vel *Æoli Helladesque* propagati: Ex Tharschiso coloni *Cilicia*, in qua *Tharses* patria Divi Pauli: Ex Cithimo altero Javanis filio *Cethidis* & citerioris *Cilicia incola Cyprique*; unde *Cetion Cypri* oppidum: Ex Dodamino, (qui i. lib. *Chronicò*: cap. i. 7. vocatur *Rodanim*.) *Dores* & *Rhodienses*; quorum insulam *Rhodom* aliqui volunt vi maris à *Doribus* avulsam, & è mari subito emerfisse.

Ex Chamo per Cuschum progeniti sunt *Arabes* in *Asia meridie*: per Mizraimum *Ægyptii*: Ex Putho alii aliqui *Aphrica* populi, prope fluvium, quem Ptolemæus *Phthut* appellat. Porro à Chami filiis eorumque posteris pene omnes populi *Africa* progerminaverunt. Ascahano vero, quarto ejus filio, populi illi omnes qui re-

cen-



eenfentur à verfu 15. capitis hujus 10. ufque ad v 20. qui longè latèque difperfi fuerunt à terminis *Zidonis* per meridionalia & orientaliora *Afiæ* loca, ufque *Indias Orientales* & ultra *Taprobanem*. Inter quos fuerunt *Philiftæi*, *Samaritanæ*, *Sodomæi* & reliqui inimici posterorum *Shemi*.

Schemo huic peculiaris hîc honos & laus à Mofe tribuitur, quod fuerit profeminator filiorum omnium *Heberi*, id eft *Hebræorum*, unde rectâ lineâ Magnus *Abraamus* & fanâta illa pofteritas Patriarcharum Prophetarumque, flos ille & medullâ populorum omnium, pecûlium Iehovæ, *συμπόλιται* & gaudium Angelorum. In hujus *Shemi* terrena profapia enarrandâ cætera Mofes eft parcus; credo quia vix operæ pretium putavit; infiftere diu morarique describendæ tranſitoriaæ atque indigniori progeniei ejus, cui adſcripſit populi æterni & cæleſtis progenituram. Sôlius Ioktanis abnepotis *Shemi* profapiam, eorumque aliquam terræ inhabitationem paucis attingit: de quibus poſteâ, occaſione data, aliquid nobis differetur. Diutius autem morari in magis ſingulatim deſcribendis omnium *Noachi* filiorum eorumque poſteriorum, per orbem terrarum ſedibus, non placeat: ne actum quod bene eſt, agere iterum videamur velle: inſpiciatur de eo latius *Fr. Iunius*, & alii in hoc caput *Mofis* decimum, illiusque materiam.

Talis itaque à Diluvio fuit generis humani & nationum distributio ex unica superstita familia Noachi per *Europam*, *Asiam*, *Africam* earumque regiones. At quid de recenter cognito orbe? de *America* & *Magellanica* totaque *Australi*, extra *Africam* & orientalem *Indiam*, mundi parte! Ad initium an illa fuit ab ullis omnino hominibus, ante diluvium habitata infessaque? Certe non nihil est, quod dubios nos de eo reddat; aut potius non dubios, quod id non factum. Nullum ejus vestigium præbetur ex Mose, aut tota S. Scriptura. Aut si ita fuit, latere id potuisset illum non multis, sed divina inspiratione, & ex accurata, de rebus humanis, disciplina *Ægyptiorum* ferè omniscium? Si latere non potuit, an ille id, in tam diligente traditione ejus, quod de hominum primordio & propagatione est, voluit non manifestare? Deinde an credibile est homines primos in medietate Asiæ ortos, inque ea veluti incunabulis auctos voluisse transmigrare tam longinque, trans maria & freta æstuosa, itinere multo incommodissimo, ad ignotam terram nec magis notum cælum; quum ante se, post se atque undique circumquaque haberent totam Asiam, Europam, Africam cultoribus vacuas? regiones optimas, fertilissimas amœnissimasque, ad quas facilis continuata terra patebat aditus? Idque, cum primis illis temporibus nondum

potuerit esse tam diffusa hominum pro-  
germinatio, ut *Europa, Asia & Africa* ni-  
mis iis fuerint angusta? Haud itaque aliter  
videtur statuendum, quàm quòd *America*  
utraq; aut tota *Magellanica* ab Adamo  
usque ad diluvium à nullo homine fuit ha-  
bitata, aut quæsitā. Atque id quidem eò  
magis, quod nec Moyses, nec ullus locus  
sacr. litt. indicium ullum faciant, usque  
ad Diluvium progressos fuisse homines  
ullos habitatum ex *Asia* ullam partem *Eu-  
ropa*, aut *Aphrica*: quæ tamen regiones  
planâ semitâ jacebant ante pedes oculosq;.

Sed quid de eo? An post diluvium us-  
que ad tempora Moysis ulla hominum pos-  
sessio in *America & Magellanica* fuerit? An  
ejus ullum indicium in Moysis historia,  
præsertim capite supra citato apparet? Uti  
Fr. Junius caput illud explicat, ne verbum  
quidem ullum de ulla hominum transmi-  
gratione in eas partes, aut in eis habitatione  
facit.

Benedictus tamen Arias Montanus, in *Antiquit.  
Indaic. lib.*  
Appendice illa quam adjecit Bibliis Regiis,  
ut de tota profapia Noachi, sic de genealo-  
gia Schemi primogeniti Noachi, quædam  
hæcclè non contemnenda profert: è quibus  
conjectura fieri potest non obscura, tempo-  
re Moysis idque circum circa de *America &*  
ejus habitatoribus aliquid fuisse cognitum. *in catalogo  
posterorum  
Noachi ad  
cap. hoc 9.  
sub finem e-  
jus addito.*  
Afferit enim Montanus in *Peruana*, ad mō-  
tes, qui ab Hispanis *Andes* vocantur, super-  
esse adhuc urbem antiquissimam *Fuktan*.

dictam. Hinc colligit (id quod Junius de Juktame altero Heberi filio ejusque posterorum sedibus in medio relinquit) quod à *Juktanis* nepotibus atque ex ejus latere oriundis *Peruana* fuerit occupata *Juktanque* urbs nomen auctoris illius gentis retineat. Idque eò magis, quod Moyses disertè asserat, habitationem filiorum *Juktanis*, fuisse ad montes *Orientis*: eosque dictos *הַר הָעֵלֶל* *Montes Orientis*: quia longissimi sunt omnium Montium, qui hætenus sunt visi: siti circa *Cusco*, in *Peruvia*: seseque porrigunt à tertio gradu ab *Æquinoctiali* circulo, transversim usque ad tertium gradum ultra *Tropicum Capricorni*, reflexo gressu inde in figuram V. usque pene ad ipsam *Æquinoctialem* recurrentes: quod duplex spatium est transversim dimensum: sexaginta globi terrestris graduum, id est, miliarium Germanicorum non-gentorum. Merito igitur per excellentiam dicantur *Montes*; non enim sunt aut colliculi, aut terræ verrucæ, si quæ aliæ. Nec ideo putandum Mosen non designasse hos montes, quod eos vocet *Orientalis* aut *Orientis*: nam etsi nobis sint occidentales, tamen, propter Globi convexitatem, *Bactrianis* illisque *Asiaticis* vicinis orientales sunt; illis enim est oriens, qui nobis occidens.

Quandoquidem igitur Moyses filiis nepotibusque *Juktanis* adscribit suas sedes ad hos *Montes Orientis*, quos probavimus ex

Ariæ

Ariæ Montani sententia esse *Peruvianos* Andes, certè Mosis tempore, *Peruanam* fuisse aliquatenus inhabitatam & ipsi Mosi cognitam, qui non credatur?

Cognita autem & habitata *America* quod fuerit tam à parte Australi, quam Septentrionali, id est, tam *Peruana*, quam *Mexicana*, ejus, ex ipsis sacris Bibliis, colligi possunt non invalida probamina: Primo, narratur in iis, quod Salomon obtexit Domum Dei magnam, id est antèrius templum *Hierosolymitanum* auro *Peruanum*: ecce ipsum nomen *Perou*, sive *Peru*. Ponitur autem duali *Hebraorum* numero, tanquam duæ *Perua*, quia *America* divisa est velut in duo grandia membra, quæ referunt figuram duarum velut manuum ex isthmo *Panama* & *Nombre de Dios*; velut ex uno carpo procedentium: quarum altera antiquum adhuc nomen obtinet, altera ab urbe metropolitana, & præcipuo totius illius Septentrionalis plagæ regno, *Mexicana* indigetata est. Quàm autem utraque hæc regio abundet auro hodierna experientia, & *Hispanorum* avaritia, regioque eorumque ærario, notius est, quàm ut probari oporteat: Et quidem auro optimo, quale id notatur fuisse, quo Rex Salomon Templum decoravit: Adhæc grandi instructa classe navali Salomon misit suos in *Ophir*, atque inde sibi adferri curavit singulis tribus annis immanem stupendamque

2. Paralip.  
3. 6.

1 Reg. 9. 26  
2. 10. 11  
22.

que auri vim; scilicet quadringenta & viginti talenta; quæ efficiunt, juxta peritorum calculum, vices quinquies centena & viginti millia aureorum.

*Ophir* autem seu *Oupher*, transpositione exigua vocis elementorum, an non *Perou* est? unde etiam aurum *obrixum*, velut *ophirizum*, pro optimo auro Plinio ac Romanis reliquis, probatum. Sunt quidam, qui putent (ex Josephi Antiquit. Iudaicarum lib. 8. cap. 2.) fuisse hanc *Ophir Chersonesum auream*. Sed vix certo constat, quæ sit Ptolemæi *Chersonesus aurea*. Aliqui eam putant esse insulam *Iapanicam*, aliqui hodiernam *Malaccam* in regno *Siam*. Sed neutri convenit situs cæli, quem Ptolemæus suæ *Chersoneso* adscribit: quin potius *Perua* convenit: Ptolemæus enim ita eam statuit, ut per eam transeat *Æquator*: quod certè fit in *Peruana*. Josephus vero regionem illam, unde ad Salomonem allatum ternis annis aurum, non vocat *Chersonesum auream*, sed *terram auream*, uti jure *Perou* nominari & *America* tota potest, ob auri abundantiam. Tum ex eo conjici potest voluisse Josephum innuere *Peruam*, quod dicat eam olim *Sophrana* fuisse dictam, quam Arias Montanus dicit illam regionem fuisse, in qua *Andes* montes sunt, *Sepherumque* fuisse illos montes, quos Moses supra citato capite vocat *Montes orientis*. Atque ita confirmat fere Josephus.

sephus Montano, quod non vano augurio *Andes Peruanos* judicet montes *Sepherinos* esse. Huic consentaneum est, quod Josephus dicit illam fuisse terram *India*: est utique *Peruana* & *Mexicana Occidentalis India*. Tum illud non abnuit fuisse *Ophir* & *Peruajim* Salomonis regionem auream, quod 1 Reg. 9. dicitur inde allata pretiosa ligna, simias, ebur, pavones aut psittacos: ibi enim adhuc hodie animalium illorum magna copia, tum adhuc inde adportantur varii generis pretiosa ligna, ut Guaiacum, Brasilianum & similia. Præterea ex rubro mari, ubi Salomon classem suam comparavit, *Americam* versus non impedita aut difficilis potuit esse navigatio; nam præternavigando *Aphricam* rectus est ad eam cursus. Quæ omnia sanè verisimillimum efficiunt, *Ophir* & *Peruajim* Salomonis esse ipsam *Americanam terram*. Cui tum penè infallibile argumentum est illud, quod tres annos impensos sacra Scriptura commemoret, ut navigatio hæc perficeretur: ergo longinquè illa regio *Ophir* debuit esse sita. Quomodo autem somnari potest, vel ad *Iapanensem* insulam, vel ad *Malaccam*, vel ullam omnino *India orientalis* partem, opus fuisse trium annorum, à *Sinu Arabico*, expeditione? cum longissimi ad illas spatii enavigatio perfici queat trium mensium tempore? At antequam *Peruanam* & *Mexicanam* à mari  
 Rubro

Rubro appellas, & negotiis absolutis eo redeas, impensis annis tribus facile fuit opus. Præsertim eâ ætate, cum navigandi scientia adhuc fuit rudior. Verisimilius videri posset, institutam fuisse Salomoni hanc navalem expeditionem ex mari Rubro in regnum *Beachi*, è regione *Favia* majori, in *Terra Australi* siti: quod & fertilissimum est auri, & recto cursu ex mari Rubro potest adnavigari. Sed refutatur id eo, quod itineri illi perficiendo, non tribus annis, sed vix anno unico eundo & redeundo fit opus. Simile itaque omni est verò, *Americam Peruvamque* tempore Salomonis fuisse & cognitam & ab hominibus infessam habitatamque, idque à posteritate Noachi.

*Hist. Natur*  
*lib 33. cap.*  
*3.*

Porro est conjicere, tempore Plinii atque ante, aliquid notitiæ fuisse de *Ophiris* regione & ex eâ flexâ Peru: quandoquidem, ut ante vidimus, nominatum Romanis fuit & cognitum pro auro optimo *Obrizum*, id est *Ophirizum*: ut D. Hieron. notat comment. in Jeremiam. Eidemque adhuc certius argumentum est, quod Flav. Josephus, qui vixit tempore Vespasiani & Titi, meminit ut ante est relatum, *Terra aurea*; quam ostendimus minimè absimiliter debere accipi non pro alia, quam regione *America*. Ex Plutarcho vero animadverti quoque & colligi potest, sub Imperatore Trajano, sub quo is vixit, nonnullam

*Trajanus*  
*de Imagine*  
*Luna.*



nullam fuisse de *Occiduo Orbe* cognitionem. Refert ille, narratum sibi à quodam suo amico Philosopho *Sylla*, quod accepisset ex relatu ejusdem peregrini, jacere ad occasum æstivum magnam terram continentem, in qua hîc illic & *Græca* nationis sermonisque habitarent homines. Eum cæpisse magnam aviditatem videndi magnam *Insulam* (sic enim nostrum hunc *Orbem Orientalem* appellabat) atque variis jactatum erroribus, per mare, per terras, per gentes diversas, per multa discrimina rerum tandem appulisse *Carthaginem*; inde vel in *Italiam Romanamque*, vel eo, ubi cum *Sylla* egit. Laudatus fuit peregrinus iste à *Sylla* quod esset magnus philosophus, & rerum multarum undiquaque peritus. Fusius ego hanc historiam enarravi cap. 25. *Libri mei de Lingua Belgica*. Raptus cā fui in magnam admirationem. Nec putare possum aut somnium id fuisse, aut mendacium purum putum Plutarchi, tam insignis & cordati viri. Itaque etiam quî non censendum, non plane ignotum fuisse illis temporibus *Occidentalem illum orbem*?

Admirabile verò quam est illud quodd, postquam cognitæ terræ illæ opulentæ tunc, & *Romanis* & aliis fuerint, non incesserit eos cupido classibus illo pervadere, & ramos illos aureos velleraque pretiosiora *Iasonicis* inde, ad imitationem Salomonis, auferre. Certè stupendum est, id intentaturum

tum fuisse, cum primis Romanis, inferorum ac superiorum scrutatoribus, tamque divitiarum avaris. Nescio cui causæ hanc *Americanorum*, ab illis *Harpiis* & *Gryphibus* non spoliatorum felicitatem adscripsero; an quod non satis clara exiterit ipsius *Indiarum* illarum notitia, oblitterata non parum, post Salomonem edacitate longævi temporis? aut quod non innotuerit ipsi, ut terra ipsa, ita ejus opulentia? aut quod tæderet pericula subire tam longinquæ & discriminis plenæ navigationis? præsertim cum nullo modo tanta adhuc esset tum temporis navigandi experientia, qualis jam est nostrorum Argonautarum? ignotoque tum adhuc usu nauticæ pyxidis, non ausi fuerint se tam vasto Occani falo committere, ex quo nec evadere quidem salvi potuissent? aut quia negotii sibi tantum videbant, in hoc Orientali orbe devincendo & tuendo, incumbere, ut de illo Occiduo tam precul distito, non putarint sibi cogitandum? aut quia mundi summus moderator uti Salomonem instigatu æthereo eo deduxit, ita *Romanos* & alios inde prohibuit retinuitque?

Insuper non minus mirum est illud, quod per tot sæcula inde à Trajani temporibus, sub tam potentibus Imperatoribus & Regibus ethnicis Christianisque, tamque multis, ita notitia *Indiarum* illarum *Occidentalium* & *Australium* obdormivit,  
ac si.

ac si in rerum natura terræque orbe non fuissent: Idque usque ad annum ferè MD ineuntem. Amplifico hæc paulo latius in *Lingua mea Belgica*, causamque aliquam tantæ oblivionis assigno. Proinde ab eo regerendo jam manum levo. Cap. 25.

Denuo vero cognitio hujus *Occidentalis* & *Australis orbis* revelata fuit, ipseque tam diu latens detectus, ab anno 1498. non sapientia aut providentia humana, sed casu, non tamen sine directione divina. Id ita contigit. Id temporis Ferdinandus Rex Hispaniæ classem emisit ad explorandum, si quæ forte insulæ & incognitæ terræ in Oceano alicubi essent. Tum navis quædam ex Hispanico littore solvens, vi tempestatis agitata proculque abrepta, inter Meridiem & Occidentem ad ignotam & inaccessam insulam fuit delata. Ea deinde maris ventorumque difficultatibus fracta & oppressa, rerum omnium indiga in insulam *Maderam* appulit, paucis salvis, sed inter alios ipso nauclero. Christophorus Columbus Genuensis tum *Maderam* inhabitabat, navigandi scientiam probè callens, & occasione oblata callidè utens. Is has hominum è naufragio reliquias hospitio perhumaniter excepit quæ ad universam illam navigationem præcipue pertinebant, diligenter ab iis præsertim navis gubernatore, percunctabatur: ex iis situm novæ inventæ insulæ, adjectis longitudinis latitudinisque

*Hæc ex Epistola Ioan. Metellii. C. qua præfixa est Historia, de Rebus. Emanuelis Regis. Hieron. Oporii Episcopi Algarbiensis.*

que gradibus edidicit. Paucis post diebus, gubernator omnesque focii navales, morbo ab inedia aliisque gravissimis incommodis contracto obierunt. Novi hujus ac primi *Indiarum* repertoris nomen patriamque Columbus suppressit: quicquid ab eo didicit reticuit. Animo autem secum hæc meditans & sæpe multumque repetens, Geographiæque rationibus firmatus, fieri non posse putavit, ut tam vasto spatio ultra Gades nullis interjectis terris, se Oceanus porrigeret, quale inde est per orbis circuitum, usque ad *Asiæ* Orientales fines. Cui accedebant Platonis, Aristotelis, Senecæ aliorumque doctorum argumenta Cosmographis expendenda relicta; quibus alias in immenso hoc Oceano continentes terras, aliasque insulas reperiri debere existimabant. Eas autem se, si necessaria classe juvaretur, reperturum credebat. Itaque has suas cogitationes Regi primum Ferdinando, ac deinde Ioanni Regi Lusitaniæ, tum Galliæ quoque & Britanniæ Regibus exposuit. Quibus postulata negantibus, & à nullis fidem consecutus, tandem Regem Hispaniæ Ferdinandum rursus aggressus, ei persuasit, ut sumptus explorandis rebus propositis suppeditaret. Sic Columbus rem tentavit, paulatimque *Indias Occidentales* alias aliàs invenit, atque ita ejus inventionis author immortalis nomine, sed alieno indicio atque infortunio, celebratur.

Nau-

Nauclero illi in *Madera* mortuo idem in eo contigit à C. Columbo, quod optimo Virgilio à Bathyllo de illo celebri disticho, *Nocte pluit tota &c.* meritoque manes naucleri illius inceslere possunt Columbum iisdem Virgilianis versibus, Ego

*Occiduas reperi terras, tulit alter honores:*

*Sic vos non vobis nidificatis, aves.*

*Sic vos non vobis vellera fertis, oves. &c.*

Ad hunc itaque modum *Australis orbis Americanusque* semper usque à mundo creato, fuit; ad Noachum & diluvium usque latuit, nec habitatus fuit: inde post aliquot sæcula & cognitus & habitatoribus possessus fuit: Denuo per multa sæcula oblivione, tanquam alta Oceani abyssò, submersus fuit, donec avorum nostrorum memoria rursus ex profundo in celeberrimam cognitionem emerfit.

Exploremus jam, quâ viâ ex *Asia*, ubi primordia humani generis extiterunt, quæque officina omnium gentium fuit, nec non ex reliquo nostro orbe homines in *Indias occidentales* illas devenerint. Neque enim difficile cogitatu est, quâ viâ, quaque ratione ex *Asia* posterì Noachi pervenerint in *Africam & Europam*. Adhærent enim illæ partes sibi invicem continente tellure, & accedi ad eas ex aliis potest terrestri itinere. At *America & Magellanica*

*gellanica* disjunctæ sunt undique à nostro orbe mari & fluctibus: nec intrari in eas potest, nisi per freta & undas: Nisi quis velit dicere fuisse aliquando eas *Asia*, per Isthmos alicubi & terrestres aliquas angustias, junctas: uti *Peruana* vel *Paria* terra adhæret, angusto velut vinculo Isthmi *Panamæi*, *Mexicana*, & *Peloponesus Attica*: atque vel temporis mordacitate, vel maris aquarumque furore angustis illis aditibus deturbatis, ab *Asia* esse separatas. Quemadmodum explicatum est supra, quod *Rhodus* Insula, quorundam opinione fuerit avulsa à continente regione *Dorica*: ut rescissa *Sicilia* ab *Italia*;

Virgil.  
Æn. 3.

*Quæ loca vi quondam & vastâ convulsa  
ruinâ,*

*Diffiluisse ferunt; cum protinus utraque  
tellus*

*Una foret: venit medio, vi Pontus &  
undis;*

*Hesperium, Siculo latus abscidit.*

Unde & Lucanus,

*At postquam gemino tellus elisa profun-  
do est,*

*Extremi colles Siculo cessere Peloro.*

Sic volunt aliqui *Africam* ad *Gades* connexam fuisse *Hispania*, & à mari duplicem erosum Isthmum; ut nunc in se invicem trans-

transeant fluctusque alternent Oceanus & Mare Mediterraneum. Et Valerius Flaccus asserit, fuisse aliquando

-- *Lybiam cum rumperet advena Calpem Oceanus.*

Adeo ut fuerit fectus transitus olim à Calpe monte Hispania ad Abylam in Africam. Commen-  
tar. Angli-  
corum lib. I  
Quod etiam Joannes Tivinnus eruditissimus Britannus accidisse existimat illi fretu, quod est inter Gallias & Britanniam: id Isthmum fuisse, & longinqua vetustate erosum, nunc permeabilem esse.

At verò utcunque hæc vera sint, & alatis testimoniis sit adhibenda fides: tamen neque apud illos, neque apud ullos alios scriptores quicquam apparet, quod unquam ulla parte talis Isthmica aliqua connexio fuerit Orbis novi ad Orbem hunc nostrum. Deinde differentia inter freta Gallia, Sicilia, Hispania & quæ inter Americam & Asiam; rursusque inter Asiam & Magellanicam interfluunt; ubique tanta est, ut licet inter illas angustias aliquis terræ nexus fuerit, non tamen fuisse potuerit inter Americam & Magellanicam ullibi cum Asia. Est itaque hoc indubitanter statuendum, non alia ratione potuisse ab Orbe Europa, Asia atque Africa perveniri in Orbem America atque Magel-

*Magellanica*, quàm navalibus vehiculis. Unde facile est conjectu, multum temporis fuisse elapsu, à restauratione generis humani, per Noachum ejusque prolapiam, antequam transitio sit facta ex continente *Asia* in alios orbes. Namque & frequentia hominum maxima debuit fuisse, priusquàm è terrarum medietatibus ad maris littora se diffuderunt, & ex nota terra ad ignotas transmigrarint. Deinde non initio statim usus navium fuit cognitus: atque illæ cum excogitatæ jam essent, non dubium est quin aliquo diutino maris conspectu, & navigandi tentamine hominibus debuit accedere audacia sese committendi ac credendi tam horrido vastoque aquarum & fluctuum deserto: non enim exigui, mollis ac debilis animi fuit hanc audere audaciam: sed

Horat.  
Carm. lib.  
1. Ode 3.

*Illi robur & as triplex  
Circa pectus erat, qui fragilem truci  
Commisit pelago ratem  
Primus: nec timuit præcipitem Afri-  
cum  
Decertantem Aquilonibus,  
Nec tristes Hyadas, nec rabiem Noti.*

At verò an fortuito primi homines, non proposito ex Asia in Americam aut Magellanicam, itinere navali devenerint, tempestatibus & violentia ventorum jactati  
(uti



( uti supra audivimus accidisse Nauclero illi Hispano ) quis affirmaverit ? Fortè ita evenit cum uno aut altero : sed haut dubiè destinato consilio etiam ab aliis id est tentatum ad quærendas novas sedes incolatusque. Et quidem omni rationi est consentaneum, qui primi hoc in animo habuerunt, tentasse atque explorasse, ubi locorum fuerit angustius maris interstitium, ac compendiosior faciliorque transmissus. Is, prout ars Geographica & adhuc dum ipsa experientia commonstrant, est fretum *Anian*, quod intercurrit inter *Asiam* & *Mexicanam*; juxta promontorium *Tenduc* in regione *Asia Ung*, & promontorium de *Escondido* in *America Mexicana*: circa gradum latitudinis L V. Quod interstitium est graduum circiter decem in *Æquatore*: quæ sunt miliaria Germanica C L. Nullibi notari potest inter *Asiam* *Americanque* angustius mare. Hinc ferè docti omnes ex *Asia* in *Americam* transmigratum autumant. Etiam Magnus ille *Plissæus* Lib. de Relig. Christiana cap. 8. Qui tamen nescio quo sphalmate in eo sit lapsus, quod dicat non latius esse hoc fretum *Anjanum Gaditano*, inter *Hispaniam* & *Africam*, cum id vix sit amplius semigradu *Æquatoris*, id est, octo miliaribus Germanicis. A parte autem *Europa* est ferè tantundem spatium ab *Orcadibus* *Scoticis* usque ad *Islandiam*, quantum

est fretum *Anjanum*. Ex *Islandia* verò in *Groenlandiam* vix est latitudo trium graduum æquinoctialium, quæ sunt milia-  
ria circiter quadraginta : inde usque in  
terram *De Laborador* vel *Corterealem* non  
longior transitus quam iv. graduum. In-  
de porro exigui sunt trajectus, qui *Danubii* fluvii latitudinem non excedunt,  
per aliquot insulas in continentem *Ame-  
rica*. Hinc vero patet terrestris aditus per  
totam *Mexicanam* & *Peruanam* longè la-  
teque usque ad fretum *Magellanicum*. Ad  
quem quidem modum potuit populorum  
gentiumque disseminatio fieri per omnem  
utramque *Americam*.

Quod autem tam fortuita & inopinata  
jactatio, quam voluntaria commigratio  
ex *Europa* in *Americam*, atque ex ista in  
illam, idque eâ viâ, quâ modo ostendi-  
mus, sit atque esse potest; id obscure quid-  
dem, sed tamen aliquo modo palam est  
ex narratione Plutarchi; libro De Imagine  
Lunæ, quam supra attigimus; & in libro  
nostro *De Lingua Belgica* fusius recitavi-  
mus atque explicuimus.

Solventes itaque hinc ex *Asia* transfre-  
tando angustias *Anjanas*, illinc ex *Europa*  
occidentalioribus littoribus, discurrendo  
per *Islandiam*, *Frislandiam*, *Groenlandiam*-  
que, illud immanium *Balænarum* domi-  
cilium, peragravimus *Americam*, atque per  
eam deduximus tum *Noachidas* alios,  
tum

tum nostrum audax Iapeti genus, usque ad fretum *Magellanicum*. Pandamus jam vela ac transmittamus in ipsam *Australem Magellanicam*. Unde quaque viâ in eam hominum ingressus? in immensam illam naturæ rerum partem, vereque toto alio orbe divisam? Ab occidentali plaga non est dubium quin se homines trajecerint in eam ex aliqua extrema parte *America*, à litore freti *Magellanici*, circa *Angustias Victoriae*; *Omniumque Sanctorum*, ut hodiè ab *Hispanis* vocantur. Ubi non major est salitudo inter terram illam *Australem* & *Americam Patagonumque regionem*, quam *Danubii* est ad ostium *Euxinum*, vel *Propontidis* inter *Thraciam* & *Asiam minorem*: ac proinde non usque longa aut operosa transfretatio. Sed quid vetat, quin etiam ab orientali plaga ex insulis orientalis *Indiæ* fuerit petita & accessa *Terra Australis*? Certè ex *Taprobana*, quæ est hodierna *Sumatra* facilis jam antiquitus fuit transmissio in *Favam Majorem*: inter quam & continentem *Terræ Australis* interlabitur fretum, quod, ubi angustius est non excedit sesqui gradum æquinoctialem, id est, miliaria Germanica circiter *xxiv*. Quomodo verò potuit latere hæc terra ante duo millia annorum, quum tum ab insularis illis tam multarum populosarumque insularum longè lateque navigatum sit, ac velificando discursum ad vicina loca?

quomodo detecta ab iis non fuerit infesta & habitata, præsertim quum multarum aliarum mercium, imprimis auri, escæ illius, hominibus illicitis adeo potentis, sit ditissima?

Sic igitur ex femine Noachi universæ orbis regiones fuerunt longo temporis progressu, quaquà versus, ad omnes cæli plagas, per cunctos *Orientis*, *Austri*, *Occidentis* & *Aquilonis* cardines, disseminatæ occupatæque. At oppidò difficilior est cogitatio comprehensioque, quomodo bruta animantia ex orbe Orientali Asiæ, Europæ & Africæ potuerint devenire per maria & freta in *Magellanicam* & *Americam*. De avibus totoque genere alato fortè quis dixerit, quod volatu & remigio alarum freta omnia & fluctus potuerint superare. Cæterum perpendatur hoc paulo penitius, nec arripiatur amabo præfestinatim nimis & temerè. Quid? an non infinitum genus est alitum, quod pennis adeo est tardis & gravibus atque ab aquis tam abhorrente ingenio, ut nec audeant se committere flumini lato non amplius unico stadio, aut miliari communi; nec volatu possent explere tantillum spatium? uti genus nostrum omne gallinaceum, phasiani, sthru-tiones & similes? Quomodo ergo fretum *Anjanum* & similia maris spatia multa miliaria longa transmittersse possent? Adde quod infinitæ sint avium grandium, minuta-

nutarum in *America*, *Mexicana*, *Peruana*, *Magellanicaque* species, quæ in *Asia*, *Africa*, *Europa* nec sunt, nec unquam fuerunt, antequam navibus inde huc ad nos fuere delatæ. Ergo species illæ ex nostro orbe in Occidentalem illam aut Australem non potuerunt aut volando, aut alia ratione pervenire.

Sed forsitam pisces commodius potuerunt nando ex nostris fluminibus & maribus in maria & flumina *Occidentalia Meridionaliaque* transire. Examinetur & illud propius. An non quam plurima genera piscium circa *Americana* littora, inque illius & *Magellanica* maribus fluviisque reperiuntur, quorum nullum unquam videtur aut nascitur nosciturque per *Asia*, *Europa* & *Africa* maria amnesve? Qui ergo hinc eo pervenere? Tum an non ponderosiora sunt piscium corpora, quam ut pinnis suis minutis possint emetiri, sine defatigatione, tam immensum spatium, quantum est à nostro hoc mundo in illum *Occidentum Australemque*? Nec libenter pisces, ut & reliqui greges animalium, ex nativis suis locis demigrant longinque, sed amant commorari, velut in patria & adherere suæ agnatæ familiæ, in genitalibus suis aquis, gentilique salo. Unde fit ut in diversis aquis diversæ species generis squamati inveniantur, & piscatu educantur.

Si autem aves nec volando, nec pisces natando à nostro hoc orbe pervenerunt in illum *occiduum*, multo minus assequi cogitatione datur, quomodo reliqua animalia terrestria, quibus nec pinnae, nec alae sunt, potuerint eo pervenire? Tametsi enim animalia quaedam natare tantum possunt, ut fluvium aliquem tranent non usque latum, tamen durare non possent, donec transirent aquas aliquot miliaria dena aut vicena sese extendentes: idque sine refecti-  
one ulla cibi potusve. Et sexcenta sunt animalia, quae ne tantillum quidem audeant in aquis fluitare. At vero, inquit, ab hominibus in navigiis bestiae bipedes quadru-  
pedesque è nostris terris in illas *Indias Occidentales sunt translatae*. Quam vero hoc non pensculatim perpensum ac pronunci-  
atum! Quis voluerit genera leonum, ur-  
forum, tigrum, leopardorum & similium ferocium tanque noxiorum animalium aut navibus imponere, aut eorum tru-  
culentiae in eadem cavea sese credere? Scilicet ut serpentem & draconem in sinu foverent? Quis voluerit illa pericula, quae  
mera sunt calamitas & strages omnis inno-  
cuae salutarisque pecudis, & omnis rei bo-  
nae, opera non parva secum in quaesitas op-  
tatasque terras adducere, illorumque non  
minus, quam sui colonias illic collocare?  
Apage hos cogitatus! Deinde annon in *In-  
diis* illis multa sunt genera quoque tam fe-  
roci-

rociū & sylvestriū , quam cicurorum animalium , quorum nullæ similitudines unquam in *Asia* , *Europa* , *Africa* aut visæ sunt aut memoratu antiquorum scriptorum cognitæ ? Quam stupemus , quando ea videmus , ad eorum formas , lineamenta , colores , pilos totamque faciem , ac si ex cælo cecidissent ? Quomodo ergo à nostri orbis hominibus , apud quos nunquam fuere eò delata sint ?

Porro de multis arboribus , herbis aliisque plantis , anne idem est statuendum : quod non potuerint esse à nostris in illas partes transvectæ ; postquam nec semina earum ulla , nec species sunt inventæ , antequam inde ad nos sunt allatæ ? Certè irrefragabile hoc est atque indubitatum testimonium , multa genera non tantum herbarum plantarumque , sed etiam avium , piscium , animantiumque terrestrium non esse ex *Europa* , *Asia* , *Africaque* in *Indias Occidentalem Meridionalemque* deportatas ; quod & nunquam in eis exstiterunt : Aut propter alias supra relatas rationes eò deportari , aut pervenire potuerunt . Si vero tam multæ atque innumeræ rerum species *India* habent , ac non aliunde , quam à se & apud se : quomodo non & omnia avium , piscium , animalium terrestrium genera potuerunt habere , absque quod à nostris eo delata & transvecta sint : etiam

ca,

ea, inquam, quorum nos in nostro orbe & femina & species habemus?

Sed dices, si non ex *Asia*, ubi prima conditura, sicut hominum, ita omnium animantium plantarumque fuit, per *Eurpam*, & *Africam* in *Americam* omnia ea devenerunt, quomodo ibi sunt, & eorum illa tam est locuples? Dicam, quod fortassis videbitur magnum maximum paradoxon; atque ajo: Quod is, qui animalia plantasque fecit collocavitque in *Asia*, idem quoque eorum species & femina constituit atque produxit in *America*. Idque simili potentia & arte, similique materia, qua species & genera rerum produxit in *Asia*, circa *Hedenem*: addita eadem vi & benedictione singulis multiplicandi ac procreandi sui similia. Quod quidem firmum clarumque redditur hoc pacto: quod, cum ibi sint, aut eo delata oportere necessario aliunde, aut à Deo ibi locata & producta. Innumeræ autem species omne genus ibi sunt, quæ alicubi nunquam sunt repertæ; ergo illæ saltem à nostris hominibus aliunde non sunt importatæ, ac proinde ab ab ipso Deo ibi factæ & collocatæ. Uti porro aliquæ illæ innumeræ species ibi à Deo sunt factæ, cur non omnino omnes? eadem enim potentia & scientia præsto Deo fuit in omnes, quæ in multas: ejusque bonitas & sapientia dubitandum non est, quia in



quin voluit prospicere de cunctis necessariis, in posterum illic habitaturis.

Nec refragatur huic nostræ sententiæ S. Scriptura: ne quisquam putet, nos eâ convellere revelationem, de productione animalium brutorum, Mosis; quasi ille asserat ad rerum exordium ea primitus esse procreata in *Asia*, atque inde pervenisse in alias mundi partes per generationis multiplicationem. Etenim Moses magis sententiam nostram roborat, si bene ad narrationem ejus attendatur. De piscibus initio sic inquit: *Deum jussisse in genere omnibus aquis maribusque* (non unis Asiaticis) *ut producerent reptilia, id est, nantantia animantia: atque ita abunde ea producta fuisse:* unde quid aliud pronuntiandum, quam non specimen tantum unum atque alterum singulæ speciei piscium provenisse hoc divino jussu, aut uno in singulari loco, sed passim, per omnes aquas, magnaue copia. Ad eundem quoque modum scribit Moses de avibus, *quod, quaquacelum expanditur, volatilia facta fuerint super totius terra superficiem, quam longè lateque patet.* In eandem sententiam loquitur de animantibus terrestribus: *ut produceret terra bestias terra & jumenta secundum suas species.* At pars illius terræ non exigua *America*: cur igitur non ex jussu divino illa quoque produxerit ea

Gen. I.  
20, 21.

Ibid. v. 24.

Gen. 2. 19.

similiter, atque *Asia*? quin & *Europa*, *Africa*, & *terra Australis*? Istud neque id evertit, quod dicatur à Mose, *animalia omnia fuisse ad Adamum adducta à Deo, ut videret, quod nomen cuique indideret*: nec potuisse Adamum indere nomen, neu ad eum adduci, quæ ad extremas oras *Europa*, *Asia* & *America* tum fuissent procreatæ. At quid incommodi aut absconditi, ut adducta ad eum sint animalia, iisque nomen indiderit omnibus, quæ commodè adduci potuerunt? Num verò catagoricè sequitur; Adam indidit nomina bestiis ad eum adductis: Ergo nullæ fuerunt longinque propeque aliæ? Sic necessariò sequeretur; non plures aut alias ullibi terrarum esse aut fuisse animantium species, quam quibus in *Asia* productis nomina indidit. Verum enimvero, nunquid experientia comimonstrat, uti modò quoque allatum paulò superius fuit, innumeras esse species in *India occidentali*, quæ in *Asia* nunquam fuere? Uti nec eò potuerunt pervenire aut species multæ in *Asia* productæ & ab Adamo nuncupatæ, aut *Asia* nunquam notæ, Adamoque nunquam nominatæ aut visæ. Quod mihi perenne ac decumanum testimonium remanet, Animantia *America* non esse aliunde eò perducta, sed inibi indigena productæque. Nec video itaque,  
cur

cur non firma hæc nostra de eo sententia,

*Ceu immota silex, stet, vel Marpesia  
cautes?*

Ex prædictis probatisque huc usque etiam hoc necessario adstrui debet; similiter in omnes insulas, majores, minores, passim in Oceano tam à continente terra, quam à se invicem projectas, non allata animalia; sed à Deo fuisse quoque facta inibi & collocata, non minus, quam quæ in *Asia* & ei adhærentibus orbis partibus vivunt pascunturque.

Pro mantissâ ac *impitæ* vice addam hisce hanc appendicem: An diluvium Noachicum pervaserit quoque ad *Indiam occidentalem* aliasque remotiores terras aut insulas. Concludet id aliquis haud dubiè firmiter ac pro rato ex scripto Moïsis; ubi diluvium hoc ejusque vim describit: di- 6m. 7.  
cetque omnia omnino animantia, ubicunque terrarum fuerint, cunctaque ventura esse deleta; omnes item herbas, plantas & arbores fuisse penitus extirpatas, tam per *Americam* atque insulas omnes, quam in *Asia*; exceptis iis, quæ à Moïse sunt in *Arca* assumpta. Argumento duplice ex Moïse desumpto hoc putant firmari. Primò, quia disertè atque exer-

tè dicit; *expirasse omnem carnem super terram existentem: omne id deletum, in cuius naribus erat halitus vita*: verbo, omne corpus vivens, quod debebat in terra, ex vocibus *omnis caro*, & *in superficie terræ*, ducitur conclusio; nihil in ulla parte terræ vivens fuisse non deletum rabie illius immanis diluvii. Sed nunquid sæpe numero voces illæ *omnes universales* Dialecticè, Rhetoricè, Grammaticè per Synecdochen accipiuntur singulariter? num sexcenties sensu necessario restringuntur ad illa sola, quibus res aliqua contigit? non comprehensis aliis, quibus non idem contigit. Num & similiter intelligi potest; diluvio magnam partem rerum viventium esse deletam, adeoque illa omnia, quæ Deo visum est eo tollere è medio, etsi alia non attigerit? ac si omne vivens tam latè sumendum est, ut nihil excipiat: neque Noachus cum suis, nec animalia, quæ in arca fuerunt, indeleta manserunt. Sic *superficies terræ* sumenda est synecdochicè pro ea parte terræ, ad quam diluvium erupit atque inundavit. Infinita sunt loca tam apud alios scriptores, quam in ipsa sacra Scriptura universaliter pronunciata, quæ necessariò singulariter debent ac pro parte intelligi. Tum certè, quod alicubi in terra fit, fit id in ejus superficie, etsi non ubique & in omnibus

nibus ejus partibus. Adeo ut adhuc fal-  
 vum maneat ; non necessario ex Mosis  
 verbis inferri , per universum mundum  
 animalia omnia fuisse diluvio extincta ,  
 etiam in *America*. Alterum argumentum  
 inde ex Mosis relatu deducitur, *Quod*  
*tanta fuerit altitudo profunditasque hujus*  
*diluvii , ut exuperavit altissimos montes :*  
 ac proinde etiam pervaserit quicquid us-  
 quam terrarum fuit. Sed neque illud ne-  
 cessario evincit , etiam pertigisse usque  
 ad *Americam* & alia remotissima ab *Asia*  
 loca. Etenim , quamvis violentia furor-  
 que undarum in diluvio tantus fuerit , ut  
 altissimos quosque montes qui sunt in *A-*  
*sia* & vicinis regionibus ; *quindecim cubitis*  
 transcenderint , non ideo tamen inunda-  
 verint æstu suo *Americam* : tanta enim est  
 altitudo convexitatis terræ ab *Asia* usque  
*Americam* , ut summitatem *Atlantis* ipsi-  
 us , oraniumque aliorum totius terræ  
 montium infinito superet : planum tamen  
 centricum hemisphærii septentrionalis ,  
 subter quod conditur *America* ferè tota ,  
 invadere non potuerint. Nisi velis dicere ,  
 aquas extra terræ mundique centrum pos-  
 se existere ac remanere. Insuper , eo modo  
 videri posset totus terræ globus undiqua-  
 que circumdatus aquis in aëre pependisse .  
 Quod rerum naturæ non est consenta-  
 neum aut conveniens. Præterea , etsi na-  
 tura

turaliter tanta vis aquarum non potuisset contineri, quin ubique permanasset atque omnia absorpsisset, an non Deus Opt. Max. qui omnia fert verbo suæ po-

*Hebr. 1. 3.* tentiæ. Ὁ φέρων τὰ πάντα τῷ ῥήματι τῆς δυνάμεως αὐτοῦ, potuit refrænare ac retinere rabiem diluvii, ne ulterius pervaderet, quam ad illos, eaque loca perdenda, in quibus erant illi, ob quorum scelera diluvii stragem atque perniciem comparaverat? At ante diluvium supra fuit ex S. Scriptura comprobatum, non fuisse ullos homines in *America* & plurimis aliis terris & insulis; ideoque nec peccatores, nec peccata. Qui ergo conveniat ejus justitiæ & benignitati, ut deleverit ea, per quæ & in quibus homo nemo peccaverat? Nunquid furorem aquarum potuit tum compescere; uti in Mari rubro, contra naturam eas erectas tenebat, instar duorum parietum faxeorum, ut populo Judaico innoxio parceret ab illo exitio, quo punire volebat scelera & impietatem Ægyptiorum eorumque Regis? Non igitur ex sacris literis, neque ulla ratione proba asseri potest; diluvio omnes res viventes omniaque animalia, per universam terram, fuisse deleta.

*Exodi 14.* Quin id indubitanter asseri debet, non esse ubique aut in *America*, aut *Magellantica*, aut multis insulis id factum. Idque eo, quod

quod ita statueretur secundò in illis locis omnia animalia & herbas plantasque, ut in ipsa origine mundi, esse denuoque creata. Deus jussit Noacho, ut de omnibus animantium speciebus, par unum secum in *Arca* asservaret, ut illa seminarium essent, unde rursus illa genera, quæ interierant, possent restaurari. Atqui inde restaurari in *India occidentali* non potuere illæ species, & genera animalium, quæ ibi sunt: tum quia in regionibus illis aliæ sunt plurimæ species, quæ nunquam in *Asia* fuerunt: tum quia ex *Asia* eò rursus deferri nullo modo potuerunt, ut satis superque supra est probatum. Ergo, quæ hodiè animantia aut in *America* aut in aliis remotioribus ab *Asia* regionibus sunt & vivunt, aut supermansisse in diluvio oportet necessariò, aut iterum post diluvium esse & secundò creata. At istud adversatur ex diametro sacre Scripturæ, quæ nos docet, post sextum principii & originis Mundi Gen. 2. 2, 3 diem, Deum plane cessasse ab omni opere creationis. Itaque consistit hoc immotum: diluvium ad *Americam* aliasque *Indias* regiones non permeasse, aut animalia ibi extinxisse.

Exegi hoc monumentum: Anno Ætatis meæ LXX. Deoque gratias ago ac debeo mortalis, immortalis, immortales, quod tantum mihi animi corporisque virium

rium indulserit, ut super hisce nobilibus præclarisque problematibus hæc, qualiacunque sunt, licuerit meditari. An ea, ut æs perennatura sint, nescio. Saltem hoc à mei æquo Lectore impetrare liceat; ut cogitet illud Menandri:

Ὁ ἀεὶ καὶ ἀγνοῶσκει δὲ περὶ ἀκῆσαι  
σαφῶς,

Ἄυτὸς παντοῦς ἴσιν; πισύσας κακῶς.

id est:

*Qui damnat antequam audiit clarè satis,*

*Scævus vir est, existimans minus bene.*



*Notata ad Scriptum meum,  
de origine Animalium,  
& migratione Populo-  
rum.*

**D**ILUVIO potuisse periisse omnes plantas & herbas non adeo absurdum videri debere, & rursus nova omnia prodire ac propullulare ex terra uti initio creationis: Idque vi illius mandati, *Herbescat terra, &c. Gen. 1.* *Amb.* quod velut infinitam periodum durare in *Hexam. 1.* infinitum, censit Basilius, & affirmat *3. c. 6.* *p. 5. in hexaemeron.* Etiam credibile est spatio dierum 150 plantas tam altè sub aquis sepultas aut immerfas, ut nullum aërem potuerint capere, suffocatas emarcuisse: uti adhuc experientia docet fieri. Et Noach potuit vineam plantasse, id est propagasse labore & cultu, postquam repullulaverat à diluvio, etsi non superstes aut viva manserit: uti plantatione propagata & culta fuit ante diluvium quum principio rerum absque cultu ullo provenit è terra. Nec refellit repullulationem, aut vivas mansisse plantas, certo affirmat quod columba folium olivæ in arcam attulit: nam extinctis arboribus & plantis folia emortua & rami manent superstites: erat hoc signum quidem

dem denudationis terræ , sed non argumentum firmum quod plantæ vivæ manserint sub aquis.

Noxia aut nocumenta rebus creatis non adfuisse ante lapsum , astruit Basilii *Homil. 5. in Hexæmeron, circa medium.*

*Ibid. c. 11. Aug. De Gen. ad l. 1. 3. cap. 15. 16. 17.* Animalia bruta posse gigni ex terra spontanea & indita vi, sine mixtione maris & fæminæ, censet Basil. *Homil. 8. in Hexæmeron, sub initium.* Idque etiamnum hodie & in omni terræ parte, ex vi scilicet primi mandati &c. uti probat exemplo aliquot animalium ; idem de reptilibus *Homil. 7.* & aquatilibus *Homil. 8.*

Objectio. Si animalia ex terra possent oriri, Deus non jussisset Noë assumere in arcam. Resp. Multa captui humano inconcinna de eo occurrunt : uti de insectis, muribus &c. *August. Lyran. in Gen. cap. 6. p. 51. col. 3.* & de cibo pro carnivoris, unde concludi potest, non omnia ad conservationem specierum in arca fuisse. Et forte tantum mansueta, ut eorum species tanto citius posset reparari & multiplicari. Deinde fieri non potuit, ut ex ultimis Asiæ, Africæ, Europæ finibus ex America Magellanicaque adducta sint ea animalia, quorum species in Armenia, & vicinis locis non fuerunt.

An ferocia illa adfuerit animalibus truculentis leoni, pardo, ursæ, &c. ante lapsum, quæ post lapsum ?

An

An climata diversa terræ cælique fuerint ejusdem qualitatis, ante lapsum cujus nunc sunt?

An ferocia animalia in arcam adducta; & si id factum, an cicurata fuerint? An tantum innoxia & utilia: ferociaque & noxia rursus è terra propullularint?

Origenes *Homil. 1. in Gen. p. 5.* sentit animalia resque malas ac noxias tam fuisse à Deo creatas prava, vel qua nunc sunt natura noxia.

*Gen. 6.* dicit Deus se perditurum non tantum homines & cuncta existentia in terra, sed ipsam terram: non massam, sed omnem ejus speciem & ornatum, ergo & herbas, &c.

In arca fuisse Leones & Tigres distinctos à cicuribus, per cubilia aut caveas in secunda arcæ concameratione, Origenes existimat *Homil. 2. in Gen. p. 9.* Et credibile est: sicque in arca fuisse potuisse. Non tamen, quin miraculo ferocia exempta aut cohibita fuerit, uti in cavea Babylonica ante Danielem, cum à Mose introducta sunt.

An, ut Origenes sentit *Hom. 2 p. 9. in Genes.* carnivoris tot viva animalia, ut pro anno suffecerint, sint introducta; uti pro reliquis alia pabula? Dubium mihi: nam sic non bina binaque ex immundis, & septena ex mundis introducta oportet, ut textus habet, sed infinita. Num ergo miraculo  
Deus

*August.  
Quæst. in  
Genes. lib. 1  
qua. 4. 5.  
&c.*

Deus omnia pavit uti Israelitas in deserto, veluti Christus multiplicatis panibus paucis & duobus pisciculis: quia omnia in arca & diluvio hoc miraculosa.

De magnitudine arcæ ex Origenis *Homil. 2. in Genes. p. 10.* contra Apellem.

Miraculo etiam factum quod impii non inhibuerint ædificationem arcæ: & cum facta esset, non irruerint in eam cum Noacho.

Nulla creatura mala. Aug. 10. 3 433. a. 2. Creaturæ sui simile generant. t. 10. 114 b. c. 1. De diluvio & arca. t. 241. a. 1. 260. c. 1. t. 4. 37. a. b. 2. t. 6. 114. a. b. 2. t. 5. 185. a. 1. Animalia intrabant Dei nutu in arcam. Aug. t. 5. 185. a. 2. De alimentis convenientibus in arca. ibid.

F I N I S.









